

“PLAN DE CONTINXENCIA NO CURSO 2020-2021 CPR AFUNDACIÓN A CORUÑA”

O Plan de Continxencia do Centro de Formación Profesional Afundación de A Coruña ten por finalidade establecer os procesos para o reinicio da actividade académica presencial no caso de que se teña interrompido a suspensión da actividade lectiva como consecuencia da aparición dun gromo que supoña o cesamento da actividade presencial nun aula/etapa educativa/centro.

Este Plan recolle as medidas do Protocolo de adaptación ao contexto da COVID-19 nos centros de ensino non universitario de Galicia (PARA O CURSO 2020-2021 (VERSIÓN 16-09-2020)

Versión 24/09/2020

Índice

ACTUACIÓNS PREVIAS DIANTE DA APARICIÓ N DUN GROMO	3
ACTUACIÓ NS PARA O PERIODO DE ACTIVIDADE LECTIVA NON PRESENCIAL	6
MEDIDAS PARA O REINICO DA ACTIVIDADE LECTIVA PRESENCIAL	8

ACTUACIONES PREVIAS DIANTE DA APARICIÓN DUN GROMO

Non asistirán ao centro aqueles estudantes, docentes e outros profesionais que teñan síntomas compatibles co COVID-19, así como aqueles que se atopen en illamento por diagnóstico de COVID-19, ou en período de corentena domiciliaria por ter contacto estreito con algunha persoa con síntomas ou diagnosticada de COVID-19.

Diante dunha persoa que desenvolva síntomas compatibles con COVID-19 no centro educativo seguirase o protocolo de actuación do centro previamente elaborado:

- ✓ Colocaráselle unha máscara cirúrxica, levaráselle á sala de Covid destinada para o efecto. Esta disporá de adecuada ventilación, xel hidroalcohólico, pano desbotables e papeleira con tapa de pedal. Será necesario contactar coa persoa responsable do manexo da Covid-19 no centro educativo e cos familiares ou titores legais, se o alumno é menor de idade. No caso dos alumnos maiores de idade, estes son autónomos, polo que poden desprazarse ata o seu domicilio en coche propio, camiñando..., en taxi, no coche dun familiar ou amigo, cumprindo as distancias de seguridade e informando da súa situación. Non podería desprazarse en autobús. Unha vez no seu domicilio, debe contactar co seu MAP.
- ✓ A persoa que acompañe ao caso sospeitoso deberá levar o material de protección adecuado: máscara cirúrxica, se a persoa con síntomas a leva.

De forma excepcional e no caso específico de que o/a alumno/a teña unha exención para o uso da máscara por xustificación médica ou é menor de 6 anos e non usa máscara, a persoa acompañante usará máscara FFP2 sen válvula (KN95), ademais dunha pantalla facial e unha bata desbotable. Na eventualidade de que non houbese dispoñibilidade de máscaras KN95, poderá utilizarse unha máscara cirúrxica xunto coa obrigatoriedade da utilización da pantalla.

Se coincidisen no tempo máis dun caso con sintomatoloxía compatible coa Covid-19, os restantes casos agardarán acompañados por algunha persoa traballadora do centro

educativo de referencia nun lugar cuberto exterior ao edificio ou noutro lugar interior coa ventilación adecuada. A persoa que utilice a FFP2 deberá estar formada na utilización dos equipos de protección individual e no seu refugallo. O centro contará cun stock deste material para as situacións nas que se requira para a atención dun caso sospeitoso.

- ✓ Débese chamar ao centro de saúde de Atención Primaria de referencia, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061.
- ✓ O/a traballador/a que inicie síntomas debe abandonar o seu posto de traballo protexido por máscara, e logo de seguir as instrucións do centro de saúde ata que a súa situación médica sexa valorada por un profesional sanitario.
- ✓ No suposto da aparición dun caso, nun centro educativo tanto sexa do alumnado, profesorado ou persoal do centro, a persoa coordinadora do equipo formado na COVID-19, a petición dos servizos de saúde a través de EduCOVID, incluírá na aplicación informática a información prevista do eventual afectado/a relativa aos contactos estreitos, dos compañeiros/as afectados/as e do seu profesorado, así como de quen sexa persoa próxima vencellada ao centro educativo.
- ✓ Tras a aparición dun caso diagnóstico da Covid 19 seguiranse as recomendacións da Xefatura Territorial de Sanidade, sendo posible que nun centro teña que estar illada unha parte dun centro educativo (aula ou grupo de aulas) mantendo o funcionamento do resto da forma habitual en función do número de contactos identificados en cada gromo.
- ✓ A autoridade sanitaria, en coordinación coa Consellería de Educación, a través do Grupo de Coordinación e Seguimento da Pandemia determinará en cada caso o número de persoal e alumnado afectado e a duración das medidas de corentena, o que se comunicará ao equipo COVID do centro para a súa comunicación á comunidade educativa, sen prexuízo da información que sexa facilitada pola autoridade sanitaria.

- ✓ A autoridade sanitaria, en función do número de contaxios, poderá ordenar o peche dunha ou varias aulas, dun nivel educativo ou do centro educativo na súa totalidade.
- ✓ A aparición dun contaxio sospeitoso con posterior confirmación é un suposto de declaración obrigatoria que implicará por parte da autoridade sanitaria a obriga de entrada en corentena de, polo menos, 10 días a todas as persoas que teñan a consideración de contacto estreito.
- ✓ A suspensión da actividade lectiva presencial suporá a aplicación das normas previstas no presente protocolo relativas ao ensino a distancia. Aos efectos de determinación do nivel de risco a autoridade sanitaria poderá volver a avaliar o pase ao nivel de riscos NR 2 para os supostos de consideración de vulnerabilidade e de cualificación de persoal sensible.

ACTUACIONES PARA O PERÍODO DE ACTIVIDADE LECTIVA NON PRESENCIAL

- ✓ O ensino non presencial será impartido polo profesorado ordinario do alumnado preferentemente a través da plataforma dixital habilitada polo centro ao respecto, G Suite (Google Classroom, Meet...). O profesorado realizará o seguimento do alumnado impartindo os coñecementos da materia de xeito virtual a través dos contidos dispoñibles ben achegados polo profesorado ou ben os que poña a disposición a Consellería. Igualmente o/a profesor/a poderá poñer tarefas ao alumnado que reforcen co contido da materia ou a avaliación continua da mesma.
- ✓ O equipo COVID-19 do centro identificará o alumnado que teña dificultades de conexión ou falla de equipamento para que a Consellería de Educación adopte as medidas oportunas que minimicen as eventuais dificultades da educación realizada por medios telemáticos.
- ✓ Para cada caso concreto de suspensión da actividade lectiva presencial, a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.

Durante o período de suspensión da actividade presencial, o centro educativo ten previstas as seguintes medidas:

- a. Mantemento, na medida do posible, do horario lectivo das clases presenciais para as clases en liña.
- b. Realización de titorías de apoio preferentemente a través da aplicación informática "Meet".
- c. Promover o cumprimento dos horarios adecuados de estudo e asistencia ás clases en liña para manter unha rutina apropiada, tanto por parte do persoal docente coma do alumnado.
- d. Recorrer ao sistema de préstamo de material informático da Consellería naqueles casos en que sexa preciso.
- e. Adaptación do material e recursos para aqueles alumnos/as que non dispoñan dunha conectividade adecuada ou medios necesarios para o normal seguimento das clases en liña.

- f. Realizar tarefas de desinfección profundas no centro
- g. Revisar o protocolo do Centro para buscar posibles erros e facer as modificacións que se consideren oportunas.

MEDIDAS PARA O REINICIO DA ACTIVIDADE LECTIVA PRESENCIAL

Finalizado o período de peche presencial da aula, nivel educativo ou centro realizarase unha planificación do retorno á actividade presencial.

Sen prexuízo das medidas xenéricas establecidas no protocolo aprobado polas Consellerías de Educación e Sanidade, o centro ten previstas as seguintes fases de reincorporación:

Fase 1 (Adecuación dos espazos)

Duración: 1 semana

Nesta primeira fase, previa ao reinicio da actividade, será o equipo COVID-19 do centro quen estableza as actuacións a desenvolver, en colaboración coas autoridades sanitarias e educativas.

Obxectivos:

- Análise da situación dos espazos e as súas necesidades.
- Adecuada distribución do espazo do alumnado, distribuíndo os pupitres de forma que se consiga unha distancia de máis de 1,5 metros entre eles.
- Redefinición dos circuítos de circulación interna.
- Reorganización das quendas de recreo para que se realicen de forma graduada

Fase 2 (Formación de pequenos grupos)

Duración: 1 semana

A porcentaxe do alumnado na aula de forma simultánea será do 30%. Esta fase é fundamental para a adquisición polos alumnos das medidas de hixiene e distanciamento.

Obxectivos:

- Formar o alumnado na importancia das medidas de distanciamento físico, utilización de máscara e de hixiene de mans.
- Definíranse uns obxectivos que deben ser cumpridos

pola aula para pasar de fase.

- Utilización do espazos e circulación do alumnado polos corredores do centro.
- Formar o alumnado nas medidas de distanciamento físico no recreo.
- Informar o alumnado das novas normas derivadas da pandemia no SARS-CoV-2

Fase 3 (Reforzo das medidas aprendidas en pequenos grupos)

Duración: 1 semana

A porcentaxe do alumnado na aula de forma simultánea será do 60%. Nesta fase o alumnado continuarán formándose nas medidas de hixiene e distanciamento físico cun grupo máis numeroso.

Obxectivos:

- Establecemento de criterios claros de entrada e saída do alumnado de forma progresiva.
- Continuación das medidas aprendidas na fase 2 cun número maior de alumnos.

Fase 4 (Fase de reactivación)

Duración: 1 semana

A porcentaxe do alumnado na aula de forma simultánea será do 100% se fose posible manter dentro da aula 1, 5 m de distancia física. Nesta fase xa todos os/as alumnos/as coñecen as medidas necesarias no período de pandemia.

Obxectivos:

- Reforzo e fomento de hábitos aprendidos.
- Disposición en puntos estratéxicos de información visual clara para o alumnado.